

Mas autor di Corsou y Boneiro

tadonan di storia manera Diana Marchena. Y sigur escritornan local, fiel contribudor nan na e festival anual cu tin como meta promocion di lesamento bou mucha.

Tio Ali di Corsou ta sumamente contento di por participa un biaha mas den e Festival di buki pa mucha. Otro autor di Corsou cu ta bini Aruba ta Sra. Laura Quast. For di Boneiro biblioteca ta spera Sra. Jackie Bernabela y Sra. Denise de Jongh-Rekwest.

Denise ta gusta siña mucha bon manera (etiquette) y ta conoci pa su bukinan di Kaylee. Jackie Bernabela a nace na Aruba y ta biba na Boneiro. Pa promove lesamento cerca muchanan Jackie gusta conta cuenta. Jackie a traha como maestra di scol como profesora di Drama na scolnan na Hulanda pero tambe na Boneiro y Corsou. El a yega di actua den obranan di teatro, film y opera den exterior.



Laura Quast ta director y docente di teatro. Laura su pasion ta pa siña hoben con ta skirbi y conta cuenta, con ta declama un poema y con nan mester practica pa hunga un rol den un cuenta. Laura ta skirbi cuenta y poesia,



Biblioteca Nacional Aruba ta organisa e festival aki pa promocion di lesamento y pa envolvi mucha activamente den e mundo di buki cu un siman di actividad rond di buki.

Un festival di buki cu participacion di mas cu 50 scol preparatorio, basico y special riba nos isla cu lo ricibi bishita di autor, ilustrado y contado di storia.

E actividadnan ta tuma luga diferente caminda, tanto na biblioteca como na diferente scol. Tur aña ta scoge un tema central pa e festival y ta presenta un buki como e Regalo di Siman di Buki. Durante e proximo simannan lo infor-

ma di tur autor y ilustrado y tur noticia rondo di e Festival di Buki pa Mucha 2015. 'Ra...ra...ra con por ta? Lesa pa bo sa!' ta e lema di e festival y e tema ta naturalesa, ciencia y tecnologia. E apertura di Festival di Buki pa Mucha e aña aki ta tuma luga diabierna dia 30 di october patras di biblioteca na Playa, di 5or pa 8or. □



Biblioteca Nacional Aruba ta preparando tur cos pa su Festival di Buki pa Mucha. A invita autornan di buki pa mucha di Boneiro, Corsou, Surnam, Hulanda y te hasta di Stockholm. Y tambe con-

